



建炎以來朝野雜記甲集卷之十

官制一

丞相 總論建隆至乾道相名更易

丞相秦官也自漢末改為大司徒歷代不能正國
初循唐制以三公至列曹侍郎同平章事為宰相
首相帶昭文館大學士亞相帶監修國史末相帶
集賢殿大學士 神宗新官制於三省置侍中中
書侍郎尚書二令虛而不除以尚書左右僕射兼
門下中書侍郎為兩相然中書揆而議之門下審
而覆之尚書承而行之則是首相復不與朝廷議

論矣元祐初司馬公相乃請令三省合班奏事分
省治事自紹聖以後皆因之時議者謂門下相凡
事既同進呈則不應自駁已行之命是省審之職
可廢也政和中蔡京以太師總領三省號公相乃
廢尚書令改侍中中書令為左輔右弼亦虛而不
除改右僕射為太宰少宰仍兼兩省侍郎靖康中
何文縝將拜相夜夢人持弓矢射中其僕乃先乞
復太宰為僕射吳正仲當制請更為丞相不從
建炎三年呂元直初相議者請併三省為一於是
元直解中書侍郎改同中書門下平章事乾道八

華古齋鈔本

年孝宗稽古改左右僕射為左右丞相去侍中
兩令之名遂為定制

御營使

御營宿衛使

御營使者建炎元年六月始命宰相李伯紀為之
本以行幸總齊軍中之政其後遂專兵柄樞密院
幾無所預呂元直在位專恣尤甚臺官趙元鎮等
以為言元直遂免時議者以為宰相之職無所不
統本朝沿五代之制政事分為兩府兵權付於樞
密比年又置御營使是政出於三也請罷御營使
以兵權付之密院而以宰相兼之庶幾可以收兵

柄一賞罰節財用四年六月甲戌遂以宰相范覺
民兼知樞密院事罷御營使及官屬以其事歸密
院為機速房馬

御營使一員或二人以宰相兼副
使一員以執政官兼參贊軍事以
從官兼提舉一行事務以大將兼其將
佐有都統制一員及五軍統制已下官 紹興三十

一年金海陵入寇 上將臨江視師其冬以和義

郡王楊存中為御營宿使虜平復免明年孝

宗即位又以御營使命之然但自名一司掌殿前

忠勇等軍非復建炎之比矣

都督軍馬同都督

都督古官也晉宋間有之自唐以後不置紹興初

華古齋鈔本

呂元直復相謀進取秦會之亦欲奪其權乃共議

令元直以左僕射都督江淮荆浙諸軍事置司鎮

江元直覺之遽歸而命孟富文以參知政事權同

都督已而落權字四年趙元鎮自知樞密院事為

川陝宣撫處置使元鎮以與吳玠共事為嫌乃改

都督川陝荆襄諸軍事五年春元鎮與張德遠共

相遂帶兼都督諸軍路馬入銜七年秋德遠將罷

先廢都督府隆興初德遠再入乃命以樞密使都

督江淮軍馬馬二年德遠去位都督府復廢其秋

紇石烈志寧入寇詔湯進之以左僕射為之進之

逗遛不行乃命王瞻叔以參知政事為同都督瞻
督亦丐免于遂命和義王楊存中代為都督府
非宰相而為都督自存中始

都督行府

張魏公之初為都督也以行府為名凡事于朝廷
則闕會三省樞密院孟富文時在政府大不平曰
三省密院乃奉行、府文書和因稱疾求去隆興
初魏公再為都督時宰相陳魯公湯慶公皆主和
議故朝廷所行多與督府異魏公乃言臣卽制江
淮軍馬其進退調發當從督府取旨施行近日主

萃古齋鈔本

兵官及帥守監司輒以軍期事務徑申朝廷乞劄
下依本府指揮仍取責當行人軍令狀外謹具奏
知 上曰豈有不申朝廷之理十月辛巳乃詔江
淮軍馬調發應援從督府取旨施行其餘事務並
令申奏如舊

督視軍馬

督視軍馬者紹興三十一年冬十一月葉審言始
以知樞密院事為之朝議以審言非相臣故其名
下都督一等蓋不考趙豐公故事失之也隆興初
張魏公既為江淮都督乃命汪明遠澈以參知政

事督視湖北京西軍馬馬方城失守汪責台州遂并令魏公督之

制國用使

同知國用事

制國用使舊未有隆興初言者請法有唐之制命宰相兼領三司使職事財穀出納之大綱宰相領之於上而戶部治其詳 上是之命秘書省討論未上乾道二年冬遂命宰相兼制國用使參知政事同知國用事五年二月戊申罷國用司八年正月丞相官名夏四月詔丞相事無不統所有兼制國用事與參政更不入銜云

華古齋鈔本

參知政事

參知政事自 太祖朝始置元豐官制改為門下中書侍郎尚書左右丞建炎三年合三省之政於是李漢老自尚書右丞改除參知政事復舊制也故事丞相謁告則參預政事之臣例不得進擬差除惟丞相薨罷 上未得人則參知政事行相事多不踰年少者才旬月獨淳熙初葉夢錫罷相龔寶之行丞相事近三年言者以為懷私擅政遂有英州之禍焉

樞密使

樞密使自唐以來率二員周末魏仁浦吳延祚並
為之國初仁浦拜集賢相自是止除一使至太平
興國初曹武惠彬楚景襄昭輔始復並除後未有
繼之者及真宗中年以王文穆陳文忠並為樞
密使由是遂為故事迄仁宗不改英宗治平
四年文忠烈呂惠穆神宗熙寧五年文忠烈陳
秀公並使樞密用此故事高宗紹興十年張循
王俊韓蘄王世忠既罷兵乃並除樞密使十二年
張循王猶在位時以孟信安王忠厚為山陵使乃
亦暫拜樞密使渡江後元樞並除蓋有所為也

萃古齋鈔本

知樞密院事

知樞密院事 太宗淳化二年始置以張遜為之
然使與知院未常並除熙寧元年文潞公呂宣徽
為使陳秀公自會稽召為知院非故事也元豐官
制行廢樞密使故政和末鄧莘公官至少保猶止
為知院焉其後鄭居中蔡攸童貫之徒既位三公
乃更領樞密院事紹興七年秦申王為使沈忠敏
自同知遷知院事蓋張魏公既薦秦相未欲其與
已並又以故相不可除他官乃先白高宗降旨
以本兵之地事權宜重依祖宗故事置樞密使

而知院同知院亦皆仍舊由是並除自後則否
樞密副使

祖宗故事樞府置使則除副使置知則院除同知
院淳化二年太宗既以張遜知密院於是寇忠
愍溫恭肅皆是副使改同知院事康定元年仁
宗用晏元獻公為樞密使於是王鄧公杜正獻鄭
天休皆自同知改除副使自後皆然元豐未廢副
使渡江後秦申王首復除樞密使王敏節副之既
而張韓二大將並除樞密使岳武穆副之合故典
矣近歲張魏公汪明遠虞井甫王公明王季海周

華古齋鈔本

洪道王謙仲趙子直繼除樞密使而其副上稱同
知蓋相承之誤

簽書樞密院事

簽書樞密院事太宗與國四年置是時石元懿公
以兵部員外郎充樞密直學士止用本官職簽書
自是初除皆帶密直及罷政乃拜端明殿學士焉

太宗至真宗朝文臣簽樞才五人其四人過樞副
張文定以本官罷至神宗時曾令綽以夏去免
喪乃除端明元祐後王彥霖劉
仲馮皆以端明去遂為故事元豐官制廢簽書

其後童貫以使相為之上以貫官至三司乃更
為領院事靖康初李參政回首拜延康殿學士簽

書延康今為端明自是遂為故事

同簽書樞密院事

同簽書樞密院事自郭宣徽後不置明受末李漢老鄭致剛嘗並拜未及謝而上反正李遷右丞鄭落同字紹興七年王倫交割地界亦命帶為其後不復置隆興末虞雍公一為之

陞朝官除簽樞

簽書樞密院故事有以員外郎為之而無三丞以下為之者元祐初王彥霖以承議郎龍圖閣侍制除授乃特遷朝奉郎建炎後張全真富季申皆

舉古齋鈔本

自奉議郎御史中丞除簽樞然亦用此制也靖康二年曹忠達輔紹興十四年李資政文會皆以陞朝官為之曹承議郎李奉議郎蓋中書失之而舍人無正之者

樞密參用文武

張說本末

自建隆以來樞密使副參用文武仁宗親政以後但除夏守斌王貽永王德用狄青教人英宗朝郭逵一人已而元豐改官制武臣不為二府政和末始命童貫簽書河西北面兩房事從遂領院事為靖康用兵乃除种忠憲師道建炎中復除王

襄愍淵時苗傳等不平遂有明受之變自是武臣
不復與樞密矣紹興九年秦丞相將罷三大將兵
柄乃以樞密使副授之蓋自童貫後皆因事用人
非常典也乾道七年張說為明州觀察使樞密都
承旨說娶壽聖皇后女弟上厚眷之時為政
乃除說簽書樞密院事制下朝論閔然說迄不果
拜遂以安慶軍節度使還第為踰年復以是命之
說亦不辭又踰年遂進知樞密院事淳熙元年秋
罷為太尉尋降觀察使居撫州三年冬許自便七
年秋卒上念之詔復承宣使陳給事寬封還錄

薛古齋鈔本

黃乃止說子薦文州刺史說敗亦貶郴州寔明州
觀察使

外戚典樞密

祖宗盛時率用外戚典兵馬而無使樞密者惟慶
曆中王鄧公貽永以主壻為之然議者不以為忝
元祐中韓文定在樞筦其弟端節既選尚為臺諫
所攻施亦罷去紹興初樞密都承旨闞執政請以
保靜軍承宣使邢煥為之煥懿節后父也上
曰朕不欲戚里任朝廷官乃不許上受禫韓平
原侂胄自知閣門事除都承旨亦固辭因自請奉

祠云紹興中孟仁仲使樞密蓋以典山陵故事已即罷之

樞密院屬官

樞密院屬官舊有都副承旨以武臣為之編修官二員以文臣為之熙寧中始以文臣為都承旨元祐後又詔恩數如叔侍郎紹聖初廢高宗在會稽武臣辛道宗為都承旨頗用事紹興初道宗既免乃詔用兩制為之元年十二月丙寅然但間除一二人而已淳熙中王抃用事久孝宗惡為遂復用士人今上初立薛象先以戶部侍郎兼都承旨何自然以為非祖宗成憲斥去之建炎中又用元

萃古齋鈔本

豐故事置檢詳一員祿賜與都司外郎等三年六月庚午

時御營司既廢密院置幹辦官四員既而以其名

不雅馴改為計議官在編修官之上建炎四年十一月己卯

紹興十一年始省四月庚寅

三省樞密院賞功司

建炎初李伯紀為政書於三省樞密院置賞功司呂元直初相遂省之及范覿民以宰相兼樞密乃於密院置機速房紹興二十九年又罷辛巳用兵復置逮乾道八年始罷凡錢糧事歸三省邊防兵政歸密院焉

捨遺補闕

遺補唐官也太宗以正言司諫易之淳熙十五年
正月兵部侍郎林栗言國家累年以來宰執百僚
職無虛位御史三院亦不乏人獨諫諍之官尚有
闕負居其位者往；分行御史之職至於箴規闕
失寂無聞焉願依唐制置捨遺補闕左右各一員
皆三年為任仍面加訓諭官以遺補為名不任糾
彈之職 孝宗從之以許深夫薛象先允其職班
著在監察御史之請給人從依監察御史例光
宗立復省

華古齋鈔本

直學士院

權直學士院

行宮直院

直學士院自開寶二年盧丞相

多遜

始權直學士

自開寶六年張舍人

澹

始幹林權直自乾道九年

崔舍人

敦詩

始學士院權直自淳熙五年崔舍人

敦詩

始因朝故事率以從官兼直院若左右史少

卿監之類則止稱權直院焉近歲崔大雅以樞密
院編脩官趙大本以校書郎陳內幹宗召以著作
佐郎兼直院蓋特命也紹興末 高宗視師建康

內幹

傳

屬疾不能從而直院虞并父使兩淮

乃命唐立夫以起居郎兼行宮直院車駕還之復

省也

庶官兼侍講

故事經筵官自兩省臺端以上並兼侍講若大卿監以下則止兼宗政殿說書元祐中司馬公休以著作佐郎兼侍講時朝儀以文正公之賢故特有此命乾道末張敬夫以吏部員外郎入侍經幄用公休故事亦兼侍講焉自改官制後庶官非二史而兼侍講者才數人范純甫司馬公休張敬夫是也

國朝經筵非進士出身者二人吳傳正呂原明張敬夫

翰林講讀李士

平古齋鈔本

翰林講讀李士 真宗朝始置元豐官制去翰林字及李士名元祐中漫之以命蘇子瞻趙元考而已渡江後獨范元長嘗一為之

史館專官

陸務現本末

自真宗以來史館無專官 神宗嘗欲付曾子固以五朝史事乃命為史館修撰使專典領其後子固所草具不當 神宗意書不克成 孝宗時修五朝史而列傳久未畢遂召李仁父洪景廬躍為之皆奉京祠不兼他職者數年而史始畢蓋自開院至成書凡二十有八年秉筆者百有餘人時

景盧請修九朝正史 上許之景盧後言制作之事已經先正名臣之手是非褒貶皆有据依乞命後來史官無或輒將成書擅行刪改然書未就而景盧去國淳熙末修 高宗實錄但以它官兼之至紹熙末年而功未及半陳君幸直學士院建請以文殿秘閣二脩撰并舊史館校勘三等為一史官自校勘供職稍迂秘閣修撰又迂右文殿修撰在院三五年始有勞績就迂次對庶幾有專官之効無冷局之嫌然亦不克行明年但增檢討官三員限半年畢其後又七年而 高宗實錄始成時

萃古齋鈔本

當修高宗正史 孝宗 光宗實錄朝論竟無專官始外召傅景仁陸務觀為在京官免奉朝請令修史於是務觀還政久矣乃落致仕以為同修國史兼寔錄院同修撰為務觀山陰人時年七十有八

提奉秘書省

提奉書秘省者官制以來無之政和中初置以命蔡攸其後秦伯陽繼居是任紹興末 高宗召信安孟王忠厚為醴泉觀使乃命提奉秘書省以寵之月過局如宰執例孟王夢亦省

提率太史局

提率太史局者舊例以近臣兼之熙豐間司馬公王和甫繼居是任後不置紹熙五年十月復置以命薛象先明年何自然以非舊典還言遂罷去蓋務反趙子直之政而不詳考也太史局日官舊止於五官正 孝宗之時始增春夏秋冬中五官大夫

六院官

六院官檢鼓糧審官告奏進也例以京官知縣有政績者為之亦有自郡守除者則繼即除郎如鹿

華古齋鈔本

伯可是也故恩數略視職事官而不入雜壓紹興十一年胡汝明以料院除監察御史遂遷副端乾道後相繼入臺者有宋郭書蕭之敏陳升卿傅淇等數人而六院彌重號為察官之儲矣淳熙初龔實之秉政其內弟林宓幹辦審計司遇郊恩而林尚京秩乃白上以六院官班寺監丞之上林用是得封贈父母龔後為謝廓然所論南竄此其一事也紹興二年夏六始後入雜壓在九寺簿之下

焉五月庚戌降旨

環衛官

環衛官者唐有之領宿衛兵若今之三衛 祖宗
時其官不廢然無職事但以處藩帥代還及宗室
除拜而已元豐官制改外臣皆不除惟宗室則如
故隆興中 孝宗始命孝士洪景嚴等討論故事
因復置以授武臣其法正任除上將軍承宣使至
任遙郡除大將軍以階官領刺史至正使除將軍承宣使至
武翼大副使除中郎將武翼郎使臣以下左右郎
將武翼大皆武翼郎有添給及從人而無職事若除管則
解或領閣門皇城司之類則仍帶焉惟戚里子
弟不除是時李太尉顯忠首除左金吾衛上將軍

萃古齋鈔本

上諭湯慶公曰此正如文臣館閣耳平時在環
衛中庶見得人才近歲郭太尉果自右驍衛郎將
受知 孝宗以本官職事不二三年遂至邊帥矣
迄今環衛官皆為戎師之儲矣

內侍兩省

入內：侍者內侍者者皆宦官室也舊號前後省
紹興三十年九月以前省無職事遂廢之今入
內：侍省舊後省也吏額三十五人分五房所掌
內殿引帶郡臣發金字遞收接邊奏賜臣寮到闕
茶藥新除執政官御史中丞及賜宗宗節度使也

上生日宰臣已下夏臘彙春幡勝新火喜雪御筵
每月奉香表往殯宮忌辰酌獻看經設獄太廟薦
新并奏告差官闡令大祀執事并奏王進充冕祈
禱降御封香車駕行幸差官應奉人使在道及到
關燕賜宣召孝士試官御試一應事務聖節賜宰
臣以下齊筵 皇太子乳香執政官酒菓辨驗迎
奉到御容賜蕃夷宴大朝會差應奉等官皆其職
也其官有都知副都知押班等各色渡江後又掌
藏金匱誓書八宝內東門司內侍者屬也掌譏察
門戶合同憑由司掌御前及宮禁取索金帛御藥

華古齋鈔本

院掌應奉禮儀衣服湯藥舊制內侍遇誕節許進
子年十二試以墨義即中程者候三年引見供職
紹興三十二年冬張真甫為殿中侍御史以官
者負衆為上言之 孝宗曰朕有此意久矣 祖
宗時止許人進一子朕意欲依 祖宗法真甫奏
事畢以 上曰此曹人多則黨盛今人數已不少
若平時無事就可設使當母后少主之時豈不能
為福漢唐之事是已遂命內侍省開具見在人數
聞奏元年會慶節權免進子於是定以二百人為
額焉

閣門

閣門右列清選也舊有知閣門事同知閣門事多
以外戚勲貴為之其下有閣門宣贊舍人掌贊唱
書命閣門祇候掌侍衛班列乾道間孝宗始做
儒臣館閣之制增置閣門舍人以待武卒之入官
者先召試而後命又許轉對加職事官供職滿
三年與邊郡遂為戎帥部刺史之選云近歲熊提
刑飛譙知閣熙載姜節使特立之進皆自此階故
武臣以舍人為清要紹熙初將介有召試之命葛
楚輔丞相言介武卒第一人乞免試上從之

二
月
萃古齋鈔本

九日丁
卯降旨

建炎以來朝野雜記甲集卷第十 終

欽定四庫全書

華古齋鈔本

建炎以來朝野雜記甲集卷之十一

官制二 外路官

宣撫使

宣撫使 祖宗時不常置有軍旅大事則命報政大臣為之累朝但除向文簡范文正富文忠文忠烈韓獻肅五人 仁宗征儂智高以狄青為宣撫使武臣為宣撫自此始熙寧末 神宗命郭達討交趾達前執政然但以招討使為名惜之也建炎三年張魏公以知樞密院事為宣撫處置使其後杜丞相周仲弼孟富文趙元鎮虞并甫王公明鄭

仲一沈德之輩皆自二府出為之虞公始以元樞
除資政殿大學士矣上恐未足為重后二日乃
復帶知樞密院事焉若前宰相為宣撫者則自渡
江以後亦止除李伯紀呂元直朱藏一三人紹興
元年劉光世以使相宣撫南武臣非執政而為
宣撫使自此始二年李泰發以端明殿學士為壽
春等州宣撫使文臣非執政而為宣撫使自此始
然自紹興至嘉泰武臣止劉光世韓世忠張俊吳
玠岳飛吳璘六人從官止李泰發王伯召二人蓋
重之也紹興末詔以楊存中為江淮宣撫使劉恭

萃古齋鈔本

父不書錄黃遂寢其命時又詔虞并甫以兵部尚
書為湖北京西宣撫副使會存中命格于是復政
川陝宣諭使而存中措置兩淮焉

宣撫處置使

宣撫處置使舊無有張魏公始為之其行移于六
曹寺監帥司皆用劄子而六曹於宣司用申狀紹
興四年趙忠簡使川陝六年韓忠武使京東淮東
皆帶處置字入銜然忠簡後不行而韓在山陽特
除其名而已非魏公處置之比也故事大臣為宣
撫使者於三省樞密院皆用申狀若建都督府則

止用關而已隆興初魏公以少傅為江淮宣撫使
頃之拜樞密使都督江淮軍馬及符離師潰內外
紛然公上表待罪 上曰罷樞密使宰相陳魯公
曰如此則是罷政乃降特進復為宣撫使陳正獻
公時參贊軍事言於 孝宗曰降官示罰自古所
有今雖張浚自請然人情觀望徒使號令不行請
復正其名 上不從周元特時為侍御史亦言官
爵者人臣一己之私其人有罪隨即貶降可也若
都督之名則國家用人之權柄豈得亦行違減
上納其言遂復督府之名矣凡前兩府及從官為

華古齋鈔本

宣撫使於六部用申狀總領所用公牒監帥司及
所部郡縣得用劄子云

魏公為江淮宣撫使申明
行移除三省樞密院外並

用劄子蓋以少
傳劄六部也

宣撫副使

宣撫副使舊無有建炎三年間周仲弼宣撫兩浙
以郭太尉仲荀副之武臣為宣副自此始其後福
建韓世忠川陝吳玠皆有此授之紹興二年張忠
獻既被讒將召歸先為置副命王伯召盧立之為
之文臣為宣副自此始其後邵澤民踵為之然但
帶權字紹興中胡丞相鄭亨仲在川陝岳鵬舉在

荆襄楊存中在淮北皆不置宣撫使而數人者第以副使為名蓋靳之也久之鵬舉落副字其餘則否

宣撫判官

宣撫判官者熙寧初韓康公使陝李邦直以知制誥為判官實上幙也紹興中劉彥冲嘗受張魏公使宜之命為宣判其後張宗元呂祉亦為之十年楊和王以太尉為淮北宣撫副使劉信叔以節度使為判官二帥抗權均猶轉運副使判官之比非復熙寧之制矣

華古齋鈔本

宣撫使官屬

宣撫使官屬者張魏公出使也張通夫深以端明殿學士程純老唐以寶文閣學士王子尚庶以龍圖閣待制竝為謀議官劉彥冲子羽以徽猷閣待制為參贊軍事趙應祥開以秘閣修撰為隨軍轉運使傅彥濟零馮元通康國以尚書郎幹辦公事皆非常制也紹興四年始著令參謀視提點刑獄參議視轉運判官机幹在諸州通判之上至今不改也

招討使

招討使古官也熙寧間始命郭宣徽一人建炎四年李成圍江州詔以張循王為江西招討使位宣撫使下制置使之上著為令紹興五年以岳鵬舉為湖北襄陽招討使鵬舉請州縣官不法害民者許移罷浚之十九年兀朮犯三京以韓張岳三師兼河南北招討使二十一年海陵南牧以吳璘劉錡成閔吳拱李顯忠兼陝西河東北京東西招討使蓋遙領其地非張岳之比也隆興元年以顯忠為淮南京畿京東河北招討使邵宏淵副之未領職即罷

華古齋鈔本

招撫使

招撫處置使

招撫使古無有淳化末李順據成都趙景肅昌言以參知政事為川陝招撫使後不復置建炎初李伯紀奏以張龍圖所為河北招撫使所益都人常為監察御史喜言兵汪廷俊等惡之未及出師而所廢紹興十年虜復取河南地制以劉雍公光世為三京招撫處置使以援劉錡會兀朮已敗乃駐軍太平州踰年復罷三十一年孝宗即位以成閔張子蓋李顯忠三大將為湖北京西淮東西招撫使子蓋死劉寶代之逮和議成乃罷

制置大使

制置大使古無有紹興三年趙忠簡始為江西制置大使其後席大光帥潭益李伯紀帥江西呂元直帥湖南皆領之大光在成都得旨位宣撫副使上凡監司不法許舉案八年李泰發為江西帥以前執政亦帶安撫制置大使是歲大光以憂去胡丞公自給事中代之始去大字至今不改

制置使

制置使自熙豐後多以武臣為之建炎元年郭太尉仲荀制置東南盜賊請監帥司並聽節制許之

華古齋鈔本

其後王襄愍淵劉武信光世韓忠武世忠張忠烈俊岳武穆飛吳安珩閔毅勇師古劉忠武錡皆為制置使掌兵事建炎末議者令帥臣悉帶制置使張達明為江州帥以便增取屬郡之財上聞之詔除用兵聽依便宜餘悉禁止其它刑獄財賦事則歸之監司馬三年又八月己亥十一月辛亥詔旨四年遂罷制置使之名惟統兵官如故自休兵後獨成都守臣帶四川安撫制置使掌節制御前軍馬官員陞改放散類省試舉人銓量郡守舉辟邊州守貳其權略視宣撫司惟財計茶馬不與又有公海制置使

以明州守臣領之然其職止肅清海道節制水軍
非四川之比也

宣諭制置使

宣諭制置使舊無有紹興元年上以江湖寇盜
多負賦不從乃命孟富文以戶部尚書充江東西
河南宣諭制置使理財治盜富文未行而秉政遂
以為福建宣諭使焉

宣諭使

宣諭使舊有之以宣諭德意為職而已不與軍事
渡江後所遣尤數紹興二年冬分遣御史五人宣

舉古齋鈔本

諭東南諸路觀風問俗平反獄訟宣布德意踰年
乃還六年又遣范右司直方宣諭川陝九年又遣
方察院庭實宣諭三京皆使者職也時李察院案
被旨宣諭江西乃專督捕盜遂罷為廣西提刑是
年新復陝西詔樓仲輝以僉書樞密院事往永興
宣諭鄭亨仲以秘書少監為參謀予衛卒千人曰
制置移屯等事宣諭之權自此重矣十一年鄭亨
仲宣諭川陝始建使名得與邊事三十一一年汪中
丞澈宣諭京西湖北得旨撫勞將士體訪事宜三
十二年虞雍公宣諭川陝乃專招軍買馬其年王

瞻叔代之亦參軍政蓋自鄭亨仲後其權任在宣撫之亞焉

撫諭使

撫諭使建炎元年以路公弼耿伯順為京城撫諭使副始建使名四年以中書舍人李正民為浙江湖南撫諭使且令按察官吏能否伸理民間屈抑紹興元年以吏部侍郎傅崧鄉為淮東撫諭使採訪民間利病及措置營田等事後不復置建炎初又命御史馬伸等八人撫諭東南兩河川陝三年命吏部郎中周隨亨駕部員外郎李愿二人撫諭

萃古齋鈔本

川陝皆不帶使字其餘如建炎末周文若太傅使李成賜以器幣紹興初胡丞公察院督捕閩盜亦皆以撫諭司為名云

鎮撫使

鎮撫使舊無有建炎四年上自海道還會稽時江湖荆浙皆為金人所蹂而群盜連衡以據州郡大者至十餘萬朝廷不能制范覺民為參知政事謂此皆烏合之衆急之則併死以拒官軍莫若析地以處之盜有所歸則可以漸制乃言於上請稍復藩鎮之制少與之地而專付以權擇人久任

以屏王室群臣多以為不可覺民曰今諸郡為盜
據者已十數曷若朝廷為之使恩有所歸 上亦
決意行之其五月覺民為右僕射是月甲子覺民
請以淮南京東西湖南北諸路並分為鎮除茶鹽
之利仍歸朝廷置官提舉外它監司並罷上供財
賦權免三年餘聽帥臣移用更不送朝廷應副遇
軍興聽從便宜仍許世襲 上曰使金世襲恐太
重當俟其別立大功然後許之時劇盜李成在舒
蘄桑仲在襄鄧仲威在淮揚薛慶在高郵皆即以
為鎮撫使其後河南翟典山陽趙立歷陽劉蒞東

華古齋鈔本

海李彥先與薛慶皆戰死而淮寧馮寧長以地降
劉豫紹興初諸鎮或亡或死遂不復除久之但餘
荆南解潛而已五年趙元鎮相召潛主管馬軍遂
罷鎮撫使蓋鎮撫使之有教者文臣惟陳規武臣
惟岳飛王彥解潛李橫耳

發運使

發運使 祖宗盛時有之置司真州歲漕江湖粟
六百萬斛以贍中都渡江後江湖寇盜多發運司
弟職糴買而已紹興二年正月遂罷發運司以其
錢帛赴行在八年起居舍人勾龍如淵建言戶部

非生財之地請置諸路水陸度支轉運等使置司
蘇杭戶部侍郎李彌遜因請復置發運司別給糴
本錢數百萬緡廣行儲積分毫不得取供近用以
待恢復之須獄猷閣待制程邁為江淮荆浙閩廣
徑制發運使專掌糴事邁入辭上疏言唐劉晏為
九使財賦悉歸于一國朝始分為二而三司使居
中發運使居外相為表裏今租庸分於轉運司常
平分于提舉司鹽鐵分於茶鹽司以至鼓鑄則有
坑冶司平準則有市場司總之以戶部而發運使
徒有其名因辭不行 上不許已而右諫議大夫

萃古齋鈔本

李誼請令檢察營田市場等事俾總六路而制其
盈虛亦不行第令和糴而已其冬李泰發東政以
為虛糜廩祿請罷發運而復常平九年正月遂廢
發運使以戶部侍郎梁汝嘉為徑制使乾道六年
虞丞相當國三月奏復發運司以戶部侍郎史正
志為淮浙京湖淮廣福建等路都大發運使朝論
不以為宜汪聖錫黃通老二尚書言之尤力執政
皆不之聽然正志寔無能為但峻督諸司州郡多
取羨財而已其年十二月正志以奏課誕謾貶乃
復廢發運使焉

經制使

經制使者宣和間陳亨伯資政始以大漕兼之亨伯創比較酒務及以公家出納錢糧取其贏以佐用度其後翁端朝中丞繼爲之紹興初與發運俱罷九年正月復置以戶部侍郎梁汝嘉爲使司農少卿霍蠡爲判官以檢察內外失陷錢物舉催未到綱運措置糴買總領常平爲職未幾曾諫議統言其無益而多費遂省之十三年八月上諭大臣曰今漕司各掌一路有無不能相通可倣發運置都轉運使一員通掌諸路糴糶選從官中曉財

華古齋鈔本

穀者爲之上雖有是言然亦不克久也紹興中又有總制司以執臣官領其事先是經制司既廢諸路貢賦或不時至五年閏二月孟富文以參知政事提領措置財用富文請以總制司爲名許之其職畧視經制司七月富文罷詔沈忠敏與求權領六年三月忠敏罷政詔總制司官候除執政日取旨既而不除後二年乃復置經制發運使凡二司金穀本末語在財賦事中建炎初又以馬忠爲河北經制使王瓌傳亮爲河東經制副使名雖同然實掌兵事云

都轉運使

都轉運使渡江後惟四川有之明受元年三月始以黃右司槩為四川水陸制置發運使置司遂寧府未行而反正遂除兵部侍郎明年張魏公出使川陝遂以趙應祥為隨軍轉運使專一總領財賦應祥言總領財賦於四路漕計或不相關當止其名使知有所統屬張公是之紹興六年冬遂除應祥都轉運使後又置副使或判官十五年省都轉運使以其事歸宣撫使用鄭亨仲請也其年十月汪侍御勅言制軍給食通而為一雖密院戶部不

萃古齋鈔本

得而專於是復置總領矣

紹興二年十月嘗置江

司湖州未幾即廢之

總領諸路財賦

總領財賦古無其官靖康末高宗以大元帥駐

軍濟州命隨軍轉運使梁楊祖總領措置財用然

未以名官也建炎末張魏公用趙應祥總領四川

財賦始置浙繫銜總領之官自此始其后大軍在

江上問遣版曹或太府司農卿少調其錢糧皆暫

以總領為名而四川改置都轉運司故總領又廢

紹興十一年諸將既罷兵乃置三總領以朝臣為

之皆帶專一報發御前軍馬文字蓋又使之與聞
軍政不獨職饋餉而已凡鎮江諸軍錢糧隸淮東
總領治鎮江建康池州諸軍錢糧隸淮西總領治
建康鄂州荆南江州諸軍錢糧隸湖廣總領治鄂
州其序位在轉運副之使上十五年復置四川總
領治利州天下凡四總領矣乾道七年併淮東總
領所入淮西以有發運使故也未幾復舊然東南
三總領皆仰朝廷科撥獨四川總領專掌利源即
有軍興朝廷亦不問故趙應祥推鹽酒而王瞻叔
括白契以佐軍需云

萃古齋鈔本

館職為總領

諸路總領故事皆帶在內金穀官若太府司農卿
少丞戶部列曹郎中員外郎之類也淳熙中趙溫
叔用字即中子震為淮東總領時宇文尚為館職
以未歷郡不可除即乃命以著作郎兼權金部郎
官為之以館職領錢糧非舊典也當時皆不以為
是

提點鑄錢

提點坑冶鑄錢公事自咸平初有之渡江後屢罷
屢復語在財賦事中乾道六年併其事於發運司

發運司罷遂復之淳熙五年又加都大二字於提
點之上以倣川秦茶馬後又置提點江淮鐵冶鑄
錢公事以淮西漕臣兼之

武臣提刑

武臣提刑 祖宗以來有之後罷去建炎元年以
盜賊未衰復之然但管提殺而已四年又罷之乾
道六年五月復置諸路各一員皆選公廉曉習法
令民事之人如無聽闕大臣乞依故事加同字不
從于是武憲橫於四方至有六曹尚書典藩而被
按者淳熙末 上知其不便遂不復除今止除朝

萃古齋鈔本

臣一員而已

提舉常平茶鹽

提舉常平官自熙寧初置元祐紹聖間罷後不常
建炎元年五月復罷二年八月復諸道常平官還
其糴本自青苗錢不散外常平免役之政皆掌之
九年置徑制司改常平官為徑制某路幹辦常平
等公事未幾徑制司罷復為常平官久之復置提
舉東南以茶鹽司兼領四川以提刑司兼領仍別
置官吏及歲舉陞改員然常平錢皆取以贍軍今
特掌義倉及水利役法賑濟等事而已無復平糴

入政矣

安撫使

安撫使舊號帥臣 祖宗時惟陝西河東北三路及益廣桂有之建炎初李伯紀建言諸道皆帶安撫使而廣東西仍舊制加徑畧二字其制今存然兵事皆屬都統民政皆屬諸司安撫使特虛名而已又有管内安撫者自軍興以來有之蓋諸將在這假使名以爲重事定亦廢之今金均黎楚等數州以極邊得存又有廣西安撫都監邕州守臣兼帶瓊管安撫都監瓊州守臣兼帶外此則俱不帶

萃古齋鈔本

云

馬步軍都總管

馬步軍都總管 祖宗時大帥職也舊名都部署避英宗諱改之三路帥臣得兼權事甚重以武臣爲之副今江浙淮廣京湖利路帥臣皆帶都總管但存虛名而其副特以處貴游外戚及離軍之人無可釐之務蓋以厚祿優之非復 祖宗之制矣

兵馬都鈐轄

兵馬都鈐轄 祖宗時不常置成都大府也帥臣

第帶兵馬鈐轄而兩武臣之為鈐轄者與鈞禮熙
寧茂夷之變蔡仲遠自涓入蜀始以都鈐轄為名
蔡下令兩鈐轄循階 神宗不樂遂罷歸於是馮
當世以前執政未為安撫使而都鈐轄之名不得
矣建炎末宣撫司始命盧立之復帶都字自後益
瀘夔廣桂五州牧皆以都鈐轄為稱而江西贛州
以多盜其守臣亦帶江西兵馬鈐轄至于武臣為
路鈐者亦無尺藉伍符然每歲猶往諸州按閱特
存故事而已間有得旨葺治軍器或訓諫禁軍者
則仍帶入銜去

華古齋鈔本

諸軍都統制

諸軍都統制古無其官宣和間西南用兵大將或
三四人不相統一故即其中拔一人為都統制以
摠之兵罷則如故建炎元年五月既制御營司遂
擢王襄愍淵為都統制都統制名官自此始其後
神武五軍及川陝宣撫司都督府樞密院皆有之
紹興初諸大將官既尊悉號宣撫使其將佐則謂
之統制官去都字十一年三大將兵罷乃擢其偏
裨為御前諸軍都統制自太尉至諸司使副皆得
為之惟官至使相則帶領都統制職事十八年川

陝三大將亦如之今興元江陵建康鎮江府興金
鄂江池州及平江許浦水軍皆除都統制思數畧
視三衙權任在帥臣之右焉

官卑者亦止
稱副都統制

都副統制

副都統制紹興七年始置後省乾道三年五月荆
南都統制王宣久病 上恐其不起且方邊報不
一乃除員琦為副使同管軍欲瑛宣瑜改授已而
諭輔臣曰朕欲今後江上諸軍各置都副統制一
員令兼領軍儲它日統帥亦使主將顧忌不敢專
擅妄作大臣皆曰善 上因欲令軍中自推選葉

華古齋鈔本

子昂丞相言不可 上悟曰極善當自朝廷除人
不然即似唐藩鎮大臣言副都統制禮數宜有隆
殺且為條約將上 上曰如此庶幾它日不致爭
權越禮誤國家事遂行之然興州自吳挺無恙未
嘗除人蓋重之也其它軍數少者都副統帥亦不
竝除云

統制統領官

統制統領官三衙及御前軍將佐也 祖宗時發
兵但以路分州都監等領之 神宗用兵始置百
三十將是在鈐轄分之外矣渡江後大軍又有統

制同統制副統制統領同統領副統領等其下乃
有正將副將準備將之名皆偏裨也舊制準備將
而上自主帥陞差仍先申樞密院審察乾道七年
建康都統制王宏罷乃陞差將佐數百人代者王
友直言于朝二月庚申有詔訓練官部隊將而下
軍中一面差仍申朝廷照會紹熙四年正月乙酉
詔江上諸軍陞差統制至準備將者令主帥解發
三人赴總領所選擇一名事既行諸將皆不以爲
便慶元二年二月戊午詔今陞差並委主帥選擇
令統領或屯軍處守臣審覈保明申密院紹興指

華古齋鈔本

揮勿行自是主帥之權復重矣

建炎以來朝野雜記甲集卷之十一

萃古齋鈔本

建炎以來朝野雜記甲集卷之十二

官制三

皇子除官例

祖宗故事皇子初除防禦使

太祖二弟二子及英宗初為皇子並除

防禦使

太宗以後或封王或封國公

漢恭憲王初封衛王鎮恭懿王

初封國類

其間亦有封郡王郡公者

昭成太子初封廣平郡王

吳崇王初封樂安郡公之類

神宗諸子初除皆節度使封國公

稍近郡王加平章事

平章事今開府儀同三司

至出閣封王則

始兼兩鎮加司空後皆因之

司空今紹興末莊文

太子自蘄州防禦使躡拜少保封鄧王淳熙末

今上自安豐軍節度使亦拜少保封嘉王蓋重長嫡也視 祖宗時恩教為優云

親王贈官例

舊制皇子皆贈三師二令元豐改官制以待中中書尚書令為三省長官不為贈典乾道中正丞相官名削侍中兩令之位故魏惠憲王維 孝宗愛子生止為使相薨止贈兩州牧蓋 上意以子弟師傳官不順而三省長官已廢故但以州牧優之慶元中嗣秀王以山陵總護 之勞當迁而官已至太師乃拜兼中書令王辭不拜已而 上有殤

萃古齋鈔本

子亦贈太師中書令追封亮王不知今官制已無二令之名此宰司失于詳考也

宗室兩鎮節度使

故事同姓兼旄者非親弟愛子無得兼兩鎮熙寧初惟相孝定王允弼定崇易王允良以屬近行尊乃得之慶元初嗣秀王伯圭既辭中書令詔 有司別議優崇之礼始命兼兩鎮焉國朝二百五十年宗室兼双旄者僅三人尔

知大宗正事

知大宗正事 仁宗始置用 太祖 太宗之後

屬近行尊者各一人于是首命濮安懿王為之自是率以近屬官至王相者領焉渡江後頗用南班往多不得人無以表率更事刻削宗室皆患之淳熙初宗正官闕趙溫叔言崇宣簡公不怠之賢者自江西轉運判官名為右監門衛大將軍忠州防禦使知大宗正事非常制也不怠字仁仲曾祖懷榮穆王宗暉蓋濮王第六子祖仲墳沂王士父圍以南班扈駕北迂韓道中遙拜集慶軍節度使仲仁進士第所至有聲積官昭慶軍承宣使在宗知數言天下事上甚重之其諸孫多進士高

萃古齋鈔本

第也

宗室奉使

熙豐以來宗室雖為外官未嘗有出使者乾道七年春趙溫叔為賀金國生辰使孝宗特命武翼郎兩浙西路兵馬鈐轄伯驥副之時方議受書之禮故特選之為介也近歲善義不艱皆以尚書郎使北蓋用伯驥例云淳熙十一年親賢宅多才為正旦副使南班近屬出疆者

正此一人耳

宗室知舉及任學官

紹興末孝宗有詔宗室不許注學官七月未乾道

中師烜者廷試中甲科自言子 上于是許注甲
科八年五淳熙中既詔宗室省試十人取一吏部
尚書周洪道乃請許充學官及考試從之六年十一月
午紹熙中遂命趙子直知貢舉而外郡至今不差
試官蓋有司循習之過也

三公備官

三公自 祖宗以來罕嘗備官獨宣和末三公至
十八人三少不論也太師三人蔡京童貫鄭紳太傅
四人王黼燕王侯越王偁鄆王楷太保十一人蔡
攸肅王樞至儀王掇渡江後以用兵故紹興十二

萃古齋鈔本

年秦申王為太師張循王韓蘄王為太傅劉安城
王為太保其後乾道初楊和王吳信王並為太傅
紹興初史會稽王為太師嗣秀王為太保蓋自紹
興後三公未嘗備官焉

太師並除

故事太師未嘗並除紹聖初始有文潞公彥博吳
崇王顯宣和中蔡魯公京童貫鄭平樂王紳靖康
初燕王侯越王偁紹興中秦申王檜張魯王俊紹
熙末史會稽王浩嗣秀王伯圭
文臣節度使

節度使自祖宗時非近屬及有大功者不除宣和末節度使至六十人議者以為濫也親王皇子二十人

宗室十一人前宰執二人大將靖康初因中丞陳

賓王言九人換授梁師成朱勳梁方平以罪死而

宗室以重恩建節者十有四人將師特拜者二人

凡六十二人以月奉及歲賜計之是一年費緡錢

七十萬也渡江後節度使率不過十許人自建炎

至嘉泰宰相特拜者六人呂忠穆張忠獻虞忠肅皆以勳史會王以舊趙

衛公著文執政一人葉右丞從官二人而已張端

李楊敷談夢得

萃古齋鈔本

外戚節度使

國初外戚罕有建節者太祖時杜審進以元舅

之尊窮老才得節度使仁宗用張堯佐一時名

臣力爭之其後除拜浸多中興後外戚節度使二

十二人孟后侄忠厚鄭后侄孫藻韋后弟

泚侄謙謹邢后父煥弟孝揚吳后弟益蓋侄

琚環琦郭后弟師禹夏后弟執中謝后弟

淵李后侄孝友孝純韓后曾季祖侂冑父同

卿從祖邈徽宗王貴妃父舜民高宗劉貴妃

父懋

恩舊節度使

哲廟以前節度使未有以恩澤除者若王顯張旻輩雖以舊恩貴然皆以嘗任宥府乃得之崇寧後始除郭天信朱勛二人紹興中曹勛韓公裔乾道中曾覲嘉泰中特立譙令雍皆以攀附恩累官節度使

宦官節度使

真廟以來宦官者雖尊止于遙郡承宣使而宣政間始除童貫楊戩梁師成譚稹李穀梁方平等十許人靖康初政皆賤奪之渡江以來間有為正任

萃古齋鈔本

承宣使而慶元中王德謙已除節度使大臣交奏乃不行德謙亦坐斥語在時事中

兩鎮三鎮節度使

國朝元臣拜兩鎮節度使者才三人熙寧初韓魏公元豐中文潞公紹興中呂誠公是也然三公卒辭之渡江以來諸大將若韓張吳岳楊劉之流率至兩鎮節度使其後加至三鎮者三人韓蘄王鎮南武安寧國張循王靜江寧武靖海劉安城王護國寧武保靜舊制惟婦人封得兼兩國若大長公主及上乳母皇太后姊妹皇后母之類是也政

和中蔡京以明堂成封陳魯國公辭者不拜其後
童貫遂封徐豫國公紹興中秦檜以進書恩封秦
魏國公大臣兼封止此三人而已時京檜卒辭者
于是三代及小君者皆加兩國之贈乾道末
上立太子欲加恩魏卽始封韋夫人為韓魏國夫人
親王夫人兼封亦前此所未有自後恩平王夫人
吳興王夫人及因
母一人
並用此例

兩國公主 兩國夫人

故事郡主未有兼封者自崇寧中 上謁濮安懿
王祠時王女惟曹氏婦安康郡主在乃特封安定

萃古齋鈔本

普寧郡主賜甲第居之其後未有此比也

郡公不着開國字

國朝封爵之制階至奉直大夫職者至權侍郎已
上遇郊封縣開國男若從官經恩則累加至某郡
開國公若將相虛邑寔封通滿萬戶則封國公而
無封郡公者惟宗室追封則有之凡宗室贈節度
使則追封國公
贈承宣使則追封郡公贈
觀察防禦使則追封侯近歲費戒父以避祖名
始詔繫權銜不看開亦前所此未有

執政為閣學士

故事曾任宰相不為資政殿大學士蓋降職至
大資政止曾

任執政不為閣學士蓋降職至淳熙中魏丞相
初以端明殿學士起廢而林樞密宅安亦以龍圖閣
學士奉祠前是舊相未有為端明若閣學士以前
執政為之則自張天堯路公弼後惟秦會之餘堯
李文會巫伋等八九人其執政者僅三月餘故用
此例

庶官除次對

庶官補外未嘗有除次對者紹興初太常少卿蘇
遲密院檢詳歐陽懋請外時方錄用黨人子弟大
臣以蘇文定公之子而歐陽文忠公之孫也皆特

萃古齋鈔本

除侍制與郡論者以為言乃改集英殿修撰其後
少常久次者始除直龍圖閣檢詳已下罕有得職
名者云

外官除次對

祖宗時自三司使御史中丞翰林學士知制誥之
外未有侍從職事官故邊帥積勞者率以直龍圖
閣除天章閣待制元豐官制後惟宣慶歷權侍郎
已上乃得之淳熙中吳茶馬總程舍人叔達皆自
外除待制蓋殊命也趙子直當國言者以為今賢
士大夫往往不樂為外官蓋外權太輕雖欲有所

施設而不得聘故也今日之勢莫若稍重外重外
之術必使漕帥總領可以馴致子後官而後可久
任可久任而後可以責事功詔可紹熙五年十一月戊申未
幾子直去位亦不克行慶元初揚庭秀始自外祠
躡除華文閣待制

寄祿官分左右

寄祿官分左右字元祐政也紹興初復舉行之淳
熙初宗室善俊者建言以為本范純仁偏見孝
宗納其說又去焉今任子雜流惟細轉通直郎奉
直中散大夫如故若帶貼職則超資焉故小京官

萃古齋鈔本

鎖廳登第者號為平迂兩任徑轉三官蓋有出身
人不為監當故也

中散大夫七樣錦

中散大夫舊謂之十樣錦今不然矣舊奏子職官

今初品官耳

初奏通仕郎出官與將仕郎同
但以拜命日理服緋年月也

舊身

後許上遺表雅一子恩今減一年磨勘耳奏荐雖
不隔郊然滿四名有止法其寔與正郎無異它者
亦存但虛文謂之七樣錦可也

減年對寔歷磨勘

舊制以恩例減磨勘年者率以四年為一官故有

初改官人部數綱而徑轉朝奉郎朝廷患之隆興
二年春始著對使宴歷之令及乾道三年郊祀左
選奏補三百人右選千七百餘人六年郊祀左選
奏補二百餘人右選如故蓋以文臣對使宴歷故
也淳熙中議者請祠官無宴歷者迺至自即已上
毋得任子事下秘書省國史院時鄭少嘉尚書修
國史建請京朝官已上須宴歷一任乃許任子孫
八年正月辛未從之

選人改官額

選人改官舊無定數者紹興後多不過九十人少

萃古齋鈔本

或至五十人

紹興二十年八十八人二十五年六十八人三十年七十四人三十四年八十一年

五十捕盜及職事官皆不在數三十二年遂至一

百十有三人孝宗患之隆興元年四月詔以百員
為額乾道三年七月又通四川為百一二十員七
年十月有司請不限員奏可時虞丞相當國淳熙
初上以官冗稍嚴陞改之令于是六年引見改
官不及七十員而捕盜在焉周洪道為吏部尚書
七年二月因請以七十員為額是年四月又增八
十員職事官并引見改官者六十五人四川換給
一十五人特旨改官不與十三年三月又詔職事

官改官在八十員歲額之外自是歲改京官者僅百員迄今遂為永制

奉舉京官

奉舉京官 祖宗時無定數者有其人則舉之太平國與浚諸州通判亦得奉京官熙寧中取以為提舉常平官員數元祐中嘗暫復之至紹聖又罷之淳熙六年九月 上以歲舉京官數濫命給舍臺諫議之王仲行希呂時兼給事中乃請六曹寺監戶部右曹即官同歲減奉員三之一諸路監司減四之一禮部國子監長貳減三之二前執政歲減二員

萃古齋鈔本

諸州無縣者歲止一員歲終不除運副而判官補發者不理為職司奏可慶元三年十一月復詔判官補發副使狀理為職司又詔職司狀不得用二紙用姚察院愈奏也在京選人舊無外路監司荐奉渡江後詔以六部長貳作職司乾道七年九月罷之惟館學官通理四考不用舉主改官蓋 累聖優賢之意

減舉吏員

館李改官例

近制選人寔歷十二考者減奉主一員矣先是紹興二十九年七月勅令所刪定官嘉興聞人滋請

歲于改官員中差員減數以待寔歷十考奉主不及格之人庶抑貪冒而養廉素 上命給舍議之洪景嚴張安國所言此法一開則選人不出十餘年坐至京秩乃止隆興初始奉行之舊奉主須員足乃以其牘上若奉將物故或罷免則不計故有得荐牘十餘而不克磨勘者淳熙中始有逐旋放散之令人皆使之

隆興元年三月己酉詔選人十二考无贓私罪者減奉主

改官須入

初改官人必作令謂之須入也紹興中教申嚴之後或廢 孝宗在位持之甚嚴慶元初復詔除殿

萃古齋鈔本

試上三名南省元年並作邑五年四月又用程察院松言詔大理評事已改官未歷縣人並令親民一次著為令舊捕盜改官人並試邑是月陳正言自強請初任未終之人先注簽判一任方許親民從之自後雖宰相子殿試甲科人無有不宰邑者也

廣南攝官

初 祖宗朝以廣南地遠利入不足以資正官故使舉人兩與荐送者試刑法于漕司以其合格者攝兩路正攝凡五十人月俸人十千米二斛滿二

年則錫以真命後又增五十人號曰待次宗觀後
又增五十人號曰額外其注擬皆自漕司建炎初
敕歸吏部踰年無願就者吏部請復 漕司從之

宮觀使

祠官供給

近制前宰相見任使相領京祠者並為宮觀使若
在外則少保已上始得使名使相已下提舉宮觀
而已淳熙初史會稽王以崇信軍節度使開府儀
同三司提舉洞霄宮蓋用此制紹熙初趙衛公以
衮鉞充醴泉觀使家居非舊典也近歲葛文定以
覃思除使相亦止提舉洞霄宮舊祠官無供給政

萃古齋鈔本

和中蔡京著令庶官降本資序二等待從已上不
降趙忠簡為相始除之

功號

功號始唐德宗國朝因之至元豐乃罷中興後加
賜者三人韓蘄王^{世忠}楊武翊運功臣張魯王^俊
安民靜難功臣劉安城王^{先世}和衆輔國功臣此
外惟安南國王初除及經亦加功號

檢校官

檢校官自唐以來有之凡內職宗班^{今修}武臣率
副已上初除及該恩皆帶之若文臣則樞密宣徽

節度使始帶焉自三公謂太尉司空三師僕射尚書
常侍至賓客祭酒凡十餘等元豐改官制武臣承
宣使已下皆罷之惟存檢校三公三師以待節度
使之久次者政和後改三公為三少也武臣累加至
檢校少師則拜太尉文臣累加至檢校少師則
拜開府儀同三司安南國王初襲封加檢校太尉
經恩廷至檢校太師外藩刺史州則檢校太子賓
客此外皆不帶云

勳官

勳官自戰國以來有之至唐始以為虛名國朝循

萃古齋鈔本

唐制者文臣朝官武臣崇班已上遇恩輒加之由
蠻騎尉至上柱國凡十二轉政和中罷淳熙末朝
議欲復之以旌有功如貶職之比後亦不果行今
惟安南閣婆占城三國王始封加上柱國南丹州
刺史加武騎尉焉

天聖至嘉泰四選人數

祖宗時内外文武官通一萬三千餘員天聖中兩
制兩省不及三十員京朝官不及二千員三班使
臣不及四千員慶曆中兩制兩省五十員京朝官
二千七百餘員流内銓選人僅萬計乾道中京朝

官以三四千員選人亦以七八千員紹熙二年京
朝官四千一百五十九員合四選凡三萬三千十
六慶元二年京朝官如紹熙之數選人增至一萬
三千六百八十員大使臣六千五百二十五員小
使臣一萬八千七十員通四選凡四萬二千有奇
蓋五年間所增僅九千餘員可謂官冗矣嘉泰元
年春左選京官已上三千一百三十三員選人一
萬五千二百四員大使臣已上六千八百五十四
員校尉已上一萬二千六百十六員通四選共三
萬七千八百餘員是五年間所損僅四千餘員未

萃古齋鈔本

知何故矣

堂後官

堂後官謂三省諸房都錄事也補職及一年改宣
教即滿五年願出職者與通判十年已上與郡建
炎初李伯紀為相建請堂吏出職止通判從之迄
今不改

省部樞密使吏額

尚書省吏額二百四人

正額都事主事令史書令史守當官共七十四人守

開一百三十一人

中書門下省吏額二百三十八人

正額錄事已下八十八人守關一百五十五人

樞密院

吏額三百二十七人副承旨主事令史書令史共一百二十五人吏部七司三百五十九人戶部四司二百八十八人刑部四司六十三人工部四司一十九人建炎初上幸淮甸三省吏至揚州者二百五十八人而已詔皆迂一官其後滋益多三年乃命有司立額

州縣吏額

紹興末州縣吏額者猥多二十六年八月湯中丞鵬峯請省之以寬民力事下諸路常平司時浙東

萃古齋鈔本

七州吏額四千人提奉官趙公稱首奏損其半它路率倣此然今州縣吏額雖減而私名徃之十倍于正數民甚苦之也

建炎以來朝野雜記甲集卷之十二終

建炎以來朝野雜記甲集卷之十三

取士 選 奉 學校 鄉 飲 酒

制科

制科自紹聖初廢紹興元年春正月詔復賢良方正能直言極諫科有司講求舊制每科場年命者中丞給舍諫大夫學士待制三人奉一人不拘以仕未仕 命官仍以不曾犯贓私罪人免先具詞業繳進 策論共五十篇送兩省侍從參考者分三等文理優長為上次優為中常平為下次優已上並召赴閣試歲九月命學士兩省官考試于秘閣御史監之試六論 每首五百字已

上於九經十七史七書國語荀揚管子文中正子
文內出題差楷書祇應四通已上為合格仍分五
等以試卷繳奏御前拆號入四等已上召赴殿試
其日上臨軒親策限三千字已上宰相撰題差初覆考詳
定官赴試人引見賜坐殿廊兩廂設垂簾幃幕青
褥紫案題差楷書祇應內侍賜茶菓對策先引出
處然後言事第三等為上恩數視廷試第一人第
四等為中視廷試第三人皆賜制科出身第五等
為下視廷試第四人賜進士出身不入等與簿尉
差遣已上並謂白身也若有官人則進二官與陞

萃古齋鈔本

擢舊制六論于正文及注疏內出題至是有司請
除疏義弗用乾道二年夏六月孝宗以久無應詔
者乃詔權于經史諸子正文出題又以士人自在
幽隱無由自達仍許監司守臣解送四年三月後至數
歲乃得李仲信焉

乾道制科恩數

李仲信本末

自復制科七十年但得李庠仲信一人而已初紹
興七年冬呂安老奉選人胡邦衡而汪彥章奉布
衣劉汝一邦衡遂除樞密院編修官乾道三年虞
雍公撫蜀首薦仲信于朝不報五年春汪聖錫為

吏部尚書復以應制詔上其詞業時厚父仁父為
秘書少監也其冬禮部言厚詞業乞送兩省侍從
參考訖依紹興元年九月旨揮施行鄭仲一三省
勅會李厚詞業以經御覽陳應求虞并有旨特令
來年三月依格召試命下左正言施元之德初方
候對因為起居郎兼權中書舍人林机景度言故
事無獨試者當繳之景度即奏制奉所以待非常
之才也渡江以來從臣常論薦其人若劉度祝鑑
是也然皆請不報蓋事體至重不可輕也按胡邦
呂安老奉賢良詞業上即日除樞今復此奉者必
密院編修官景度蓋未知此也

華古齋鈔本

依祖宗典故勿使論者可得而議其失則國家
可以示公被而厚之得此名亦無忝矣謹考舊制
具本人詞業繳進送兩省侍從參考分為三等次
優已上名赴閣試糊名考校無一人獨試者今李
厚詞業雖未經參考而入獨試一名恐非典故所
有錄黃未敢書行之德初亦奏祖宗制科之設
自有典故合李厚詞業雖除付後省未有許令參
考繳奏指揮遽有召試中書之命即是未應前後
典故兼國子監看詳明言合送兩省侍從參考但
况將來閣試六論本朝典故亦須三四人已上

糊名考校無一人獨試者乞重此非常科且以屋
詞業令有司公共參考來上俟相從有一二人然
後俾之就試庶幾有得賢之寔無幸進之机詔除
汪應辰李燾有嫌外令兩省侍從參考聞奏十二
午指揮仁父既而上聞二人握手私語乃大怒
侍兼權左史月丙
之左相陳應求奏元祐中有獨試故事机為人所
使因極論二人之姦後二日詔林机施元之身居
出納言責之地朋比相通可並放罷十二月二十
九日庚戌
六年夏兩省侍從參考到屋詞業援証既詳遣
詞亦贍欲為次優戶書曾欽有旨八月下旬召試

萃古齋鈔本

四月十二日癸巳後十餘日利路又繳到吳淇應賢良方
正科詞業詔參詳聞奏二十六日丙午又月餘應求坐論
祈請事免相五月十九日巳卯仁父亦出漕湖北六月十七日
丙子時虞并父獨相仁父與應求素善疑當路沮之
入辭面奏疏言制率獨試一人雖有穎贄林陶李
致高志錢彥遠吳奎趙彥若謝悰故事而屋涉
學荒淺恐不足當此異恩別致人言乞候將來更
有進卷合格當召許令同試上不許仲信乃乞
趙侍并父為奏有旨別聽旨揮七年春科詔既下
并父因進呈召試賢良當降詔上日數十年來

未有應此選也并父曰昨李廔已得旨召試或者
與其父燾不相樂声言欲沮之廔此以乞隨侍
上曰今可召試矣令九月召試中書四月四日九
月戊戌召試中書後省前一日命學士王日嚴考
試右史李秀叔參詳比試仲信凡五通六論題一
有必治之道二曰湯法三聖三曰人者天地之心
四曰曆律更相治之五曰三家言經得失六曰揚
孰優 十月乙巳進呈 上曰昨覽廔程文亦好
一日間成數千言良不易也并父日記題誠難李
皇能記其五 上曰湯法三聖出功臣表而廔以
為諸侯王表却是記得全文不差十一月甲戌

萃古齋鈔本

上親策于集英殿有司考入第四等戊寅 上特
御殿引見賜制科出身故事賢良方正無唱名之
例而礼部言若倣遂卒進士、皇帝御殿推恩足
彰崇儒求言之盛從之周子充為礼部侍郎尋授
左文林郎瀘川郡節度推官淳熙初為秘書省正
字兼國史院編修官累迁著作郎被章以去久之
奉祠歸蜀而卒自李文簡與孫特齊書云後被令
公出諱以沮遏之者因尋入辟力告上乞免上迄
弗許仍宛轉託渠具奏始有旨別聽候旨擇其間
曲折甚多廔必具報而廩直闕公亮行狀乃云李
應制科差日命官且試矣會欲搖沮之者李不
復望試從公苗之于是雍公亟入奏用蘇子由以
病展日故事為更命官改日鎖院今以史考之者

未見改日命官之事亦不省出諱謂何雖虞公教
論林施不當罪復以御處之然卒獨試者虞公之
也力

制六科題

淳熙再試科制本末

制科六題者舊以四通為合格淳熙四年李仲信
之弟塾季修復卒賢良方正南士頗嫉之而近習
貴璫又恐制策或攻己也共搖沮焉會台守趙子
直卒宣教郎姜凱信守唐興正卒迪功郎鄭建德
吏部侍郎趙粹中卒亳州布衣馬萬頃應詔上
問輔臣故事召試賢良嘗有黜落者否執政對曰
昨來召試者止李堂一人它日若試數人洵有優

萃古齋鈔本

劣既而潘察院緯又上章言制科論策燈昏窓著
述之文而策限三千亦豈無平日待對之語惟六
論一場所當加意若罷注疏命題而復以四通為
合格則與應進士卒一場試經義五篇者何異試
之日有詔以五題通為合格是歲始命糊命謄錄
如故事也所試六論一日因者君之綱二日易數
家之傳孰優三日前世曆法多差四曰十二節備
如何五曰王季本自賈氏六曰動靜繁寡如何後
二日考試院言試卷內多有不知題目出處及引
用上下文不盡止有僅及二通上命賜束帛罷

之奔者周益公輩皆放罪之或曰六題一明一暗

上下文有度數及是時舍人錢師魏素與周

李諸人異趨且承嬖近旨奏言制奔甚重源稍難

其題御筆因差師魏考試故命多暗題云仁父時

為禮部侍郎同修國史仲信為著作即未幾仲信

被旨考上舍試因策問本朝制典故有云蘇洵

輩皆嘗黜落富弼張方平粗試題意亦不免錯誤

坐此為臺官所攻皆罷去仲信逃亦死明年秋言

者又論注疏命題蓋以觀其博洽謂宜復舊從之

十一年夏校書郎奚商衡轉對論制科取士不必

萃古齋鈔本

拘三年之制 上諭大臣曰賢良得人國家盛事

特以六月五日降詔然未有應者十二年春

李獻之以右史直禁林面奏賢良之奔肇自漢文

本求說言以俾闕政未聞責以記誦之季也使其

才行季識如晁董之倫雖注數未能盡記於治道

何損乃復罷注疏命題于是陳天與守池卒郡人

莊治邱宗卿守平江卒郡人滕成十三年夏召試

六論題一曰身者治之本二曰聖人通天地之心
三曰五星為經緯四曰曆律本于易五曰六德以
民為紀六曰峇朋二人皆四通顏侍郎師曾為考

馬異之功執大

官言其文理平常不應近制遂罷之自是制科無

復得試者也

博季宏詞科

試格恩例附

博季宏詞科者紹興三年七月置始紹聖既廢制
 科不用乃創宏詞^科大觀中改詞季兼茂至是用
 工部侍郎李擢奏別立此科以制誥詔書表露布
 檄箴銘記贊頌十二件為題古今雜出六題分為
 三場每場一古一今遇科場年應命官除婦明流
 外者進納及常犯贓人外許徑赴禮部自陳先投
 所業三卷朝廷降付季士院考其能者召試^{見任}
所屬投所業應格 禮部貢院知各官分三等考校
員試然後難任

萃古齋鈔本

合格真卷納中書省看詳宰執將上上等迂一官
 選人改京官無出身人賜進士及第並免召試除
 館職中等減三年磨勘與堂除無出身人仍賜進
 士出身並擇其尤者召試館職下等減二年磨勘
 與堂除一次出身人同進士出身遇館有職闕亦
 許審察召試自初詞科惟有出身許應 上即位
 以用武權停此擢請復科其子益能粗有文墨子
 是有司看詳兼許任子就試非舊典蓋為益能之
 計也然益能卒不與選自立科後入中等惟汪叔
 詹洪景嚴湯進之三人其六十九人皆下等蓋斬

之也舊例每季合格不得過五人若人材有餘臨時取旨紹興後亦取未嘗過三人淳熙八年以後止取一人慶元五年應宏詞者三十一人無合格也

三歲取士

三歲取士自 祖宗舊制建炎元年當省試以圍城故展用二年紹興元年當省試以行明堂禮亦展用二年十年當秋試廖中丞剛建言自治平以來三歲奪士率用大禮科場省殿試為三年故任子與登第人注闈無妨而漕司經費亦給自軍興

萃古齋鈔本

再展之今秋試與大禮相妨請展一年以應古制上納其言乃詔諸州以十年發解十二年省殿試焉自後科場以十二年為準

四科

祖宗以來任用詞賦取士 祖宗重經術遂廢元佑兼用兩科紹聖初又廢之建炎二年王唐公為禮部侍郎建言復以詞賦取士紹興二年科場始曾侍御統請廢經義而專用詞賦 上意鄉之呂元直不可而止十三年國初李建高抑崇司業言士以經術為本請頭場試經義中場試詩賦末場

試子史論時務策各一首許之十五年詔經義詩賦分為兩科于是孝者競習詞賦經孝浸微二十六年冬上諭沈守約曰恐數年之後經孝遂廢之明年二月詔孝人並兼習兩科內大小經義共三道三十年以為老成經術之士強習辭章不合聲律諸復分科取士仍詔經義合格人有餘許以詩賦不足之數通取不得過三分自今年太孝公補試行之迄今不改先是孝人既兼經義詩賦策論因號四科然自更制以後惟紹興十四年二十九年兩行而止蓋孝人所習以分為二不可復合矣

萃古齋鈔本

類省試

類省試者始高宗在揚州以軍興道梗建炎元年十二月遂命諸道提刑司選官即漕司所在州類試率十四人而取一人開封以臺官監試諸道令提刑臨時宴封移牒漕司一負不得預考校榜既揭遠方之士多訴其不公也紹興元年六月始專擇諸路憲漕或帥守中詞孝之人總其事時張魏公為宣撫處置使以便宜令川陝孝人即置司州類省試五年始試進士于南省惟四川即試宣撫司自七年後又移置制司迄今不改始朝廷既

命宣司類試又詔選有出身清強見任職司一員
監試見任京朝官有出身曾任館李或有文李充
考試官二十七年五月言者以為不能無弊議罷
之悉令赴南省事下國子監楊文安椿時以兵部
侍郎兼祭酒言于朝曰蜀士多貧而使之經三峽
冒重湖狼狽萬里可手欲去此弊一監試得人者
足矣遂監司請令守俸子弟賓客力可行者赴省
它不在遣中也二十九年七月吏部侍郎周綰復
請遣行在清望官充監試上以道遠難遣乃以
成都漕臣王之望贍叔監試嘉州守臣何逢源資

華古齋鈔本

深為考試官而別試亦差官監考試又詔監試
官依監李除法取摘試卷詳定類省試降敕差官
自此始是日禮部侍郎孫道夫太冲侍經筵猶請
罷類試者今徑赴禮部上曰早方與執政議今
歲及後奉當遣御史監也太冲曰秘語契驗
豈御史所能防慶元後監試考試官率以南士餘
官選南士及蜀人參之然取去之柄專在南人無
復曩時之疑矣

國子監解試

行在國子監解試以察官一員監試郎中二員充

考試官職事釐務官六員充點校試卷試太李生

別試所以即官一員充考試官兼監試職事釐務

官三員充點校試卷官試國子生及朝南省以李

士或尚書一員權知貢奉行侍從臺諫二員權同

知貢奉卿監即官八員察官二員充參詳官館李

及職事釐務官二十員充點校試卷兼試宏詞別

試所以卿監一員充考試官兼監試職事釐務官

四員充點校試卷附試武奉殿試以館李郎官四員

充初覆考官各以餘官一員充點校試卷官侍從

二員充詳定官兩省二員充編排官已上並降敕

萃古齋鈔本

押入院

諸路解試

諸路解試官故事皆自轉運司選差率以本州通

判監試本路見任或待闈官充考試官乾道六年

四月丙午始命諸州試官皆隔一郡差者以絕請

託之弊時劉通靖章為禮部侍郎用其請也自淳

熙十六年春試王侍郎溉為潼州漕始令試官每

員皆歷三郡合符；合乃聽入其後又行之西川

迄今不改慶元四年有果州；李教授王莘者考

昌州春試于尚書斷章出問明年正月尚書省奏

罷莘時漕臣汪德輪故相伯彥孫太府卿召嗣子也議者謂汪以祖任入官者故擇考官不善張肖翁為監察御史因謂自今漕臣不由科第進者更委它監司官一員選官校試仍擇有文孝士望者一人為點校官專掌命題去取之事即有不稱加以重罰從之蓋嘉泰元年始

四川類省試官

四川類省試院救差監試主文之外制置司差考試官四員以有出身知州充點校官十員以京官選人有士望者充別試所則但差小試官二

萃古齋鈔本

員而已舊自監試主文皆差提轉近歲多以郡守為之考試官差倅或至郡守之嘗任館學者或不差非故典也

宗室差試官

熙豐以來宗室不差試官淳熙六年十一月周益公時為吏部尚書始請宗室充學官及考試八年正月遂命趙子直為省試別院考試官紹熙四年以子直知貢奉然外郡至今未有差宗室校試者蓋漕吏守舊法而不知新旨焉

燈挾之禁

燈挾之禁近歲惟行國子監及南省行之若兩浙
漕司則雖禁燈而已弛挾書律矣其它郡國秋試
率達旦乃罷雖類省試亦然紹興二十九年王瞻
叔護試始復禁之然習俗已久雖令不行今秉燭
挾書如故

諸路同日解試

祖宗舊制諸路州軍科場並以八月五日銷院惟
福建去京師地遠先用七月川廣尤遠又用六月
紹興十三年八月詔以閩廣去行在不遠並令八
月五日銷院然諸軍州之例選日引試由是奉人

萃古齋鈔本

多質：而再試于它州或妄引親賢而再試于它
路至有一身兩荐送者二十四年正月詔太孝及
諸路並以中秋日引試惟四川悉用三月十五日
爲類省試舊以九月二十四日制置司言去行在
地遠恐奉人赴御試不前請以八月銷院許之迄
今不改

避親牒試

牒試者舊制以守倅及考試官同異姓有服親大
功已上婚姻之家與守倅門客皆引嫌赴本路轉
運使別試若帥臣部使者親屬門客則赴鄰路率

以七人而取一人紹興後牒猥試多至二十三年
成都一路就試者三千五百人發解者五百人議
者以為濫也于是成都路以八十三人潼州路又
以八十人為額時眉倅李彥輔永康倅郭印皆坐
牒試避親奉人冒濫雖會赦猶展磨勘年及降官
然此弊特東西兩川夔利路與東西諸漕司則解
不過三數人而已紹興五年夏王巽澤漑自成都
轉運判官召還入見極言兩路冒親詭貫之弊乞
各存十人外均與本路諸州從之仍各以二十人
為額印宗卿時為制置使請復每路止存十二人

萃古齋鈔本

若就試者少則二十人而取一人奏可舊制命
官鎖廳赴漕試與避親奉人同試王巽澤益漕始
令分場以革假手之弊于是西蜀皆然蓋自紹興
三年春始

潛藩恩試

潛藩恩試者蓋自未渡江前有之然必曾請奉人
兩到省已上乃得試之紹興二年蜀州奉人以
高宗登極覃恩徑赴類省試理堪試則送試院不
限人數取文理優長之人為合格初任除諸州教
官自是為兩季之選嘉泰元年二月言者請四川

制置司遇類省試年分所做禮部附^試李官許有出身人具所業赴制置司陳乞委有出身通判或教授看詳是歲就試者四人而取二人蜀人試教官自此始

初出官人銓試

銓試者舊有之凡任子同進士出身之人皆赴建炎兵火後權停紹興三年始復後無出身人許習經義詩賦特議或刑統義斷案十三年九月詔兼試二場惟有出身人試律如故其任子在蜀者舊法令益梓兩路漕司輪年分春秋銓試乾道二年

萍古齋鈔本

遂知蜀州楊民望之請委制置司主之後又降敕差監試考試官惟蜀士同出身在東南者則免銓試故事春秋再試十人而取七乾道二年後止春試二人而取一紹熙末議病其寡李乃請三人而取一後三年謝用光為吏部侍郎上言今世祿之家以苗意李問請復後制詔許為今蜀中銓試甚寬凡假手者率費七百緡城要子孫鮮不與選或謂宜悉赴吏部然吏部亦不免此要當如祖宗時先試而後命可也自舊銓試未合格者許堂除也淳熙中孝宗始嚴其令八年八月趙魏公

帥瀘奏其子昱書寫机宜文字既受教矣李待問
蘊之在西掖緣它事以未銓試為言遂寢其命紹
熙元年八月計司業衡奏乞中選人就吏部長貳
廳前簾試中然後許參選小經一首或小賦一首明
年四月吏部條具如所奏內同進士出身人并恩
科人更不簾試仍四川制置司一體施行從之黃
子由時為考功郎建言今以增試律義自不須更
簾試大臣進呈 光宗曰簾試以草代筆之弊正
當加嚴豈可廢也三年八月謝子肅侍郎言銓試
不中四十已上注殘零闕人乞令郎官者就長貳

萃古齋鈔本

廳寫律一條俾之解釋如或不通未得參注從之
始任子降等補文孝者與恩科人皆免銓試 孝
宗以為非是亦命試焉惟宗室子銓試則試場無
雜犯者皆出官蓋朝廷優天屬之意廣東西漕司
舊亦有銓試
軋道八年
年罷之

試教官

試教官者自熙豐間始程伊川常非之今不廢其
法凡有出身人願試者先具所業以經義三道詩
賦各三道赴礼部陳乞若文理堪試則送試院不
限人數取文理優長之人為合格初任除諸州教

官自是為兩季之選嘉泰元年二月言者請四川
置制司遇類省試年分所徹札部附試季官許有
出身人具所業赴制置司陳乞委有出身通判或
教授看詳是歲就試者四人而取二人蜀人試教
官自此始

試刑法

試刑法者亦自熙豐間始舊附銓試院兵火後權
停紹興三年始復後又降敕差試官二員專撰刑
法問題號為假案其合格分數例以五十五通作
十分為率五分已上入第二等下係二十七四分

萃古齋鈔本

半已上入第三等上

係二十四

四分已上入第三

等中

係二十二

允試入

係二十一

二等者選人改京秩蓋趙

忠簡為相以刑名之季其廢已久者故白上請
復之今遂為大理寺評丞之選二十五年四川制
置司請每三年就類省試院別差刑法官二員校
試從之

新科明法

新科明法者熙寧間改舊明法科為之崇寧初廢
取其解省額歸札部建炎二年正月大理少卿吳
環言法官闕人請復此科許進士嘗得解貢人就

試從之紹興十一年始就諸路秋試每五人解一名凡省試七人取一名皆不兼經明年御試御藥院請分為二等第一等本科及等第二等本科出身十四年七月言以為濫請解省試各遞增二人解試七人取一所試斷案刑名通粗乃以十分為率斷案及五分刑統義文理俱通者為合格無則闈之仍自後卒兼經十六年二月遂罷之迄今不復設矣

覆試權要子弟

覆試權要子弟者自太祖之法也紹興十二年

萃古齋鈔本

秦申王當國其子煒始冠多士二十四年其孫塤復試南省為第一及廷試有司擬塤為榜之首上竟之寘之第三會薨淮東提卒常平司朱冠卿應詔上書極言其弊于是追奪塤出身敕曹冠已下七人有官者有改帶右字餘並剝放二十七年始詔兩省臺諫侍從有服親省試合格者令禮部具名以聞命後省覆試自後遂為故事

鎖廳人不為狀元

鎖廳人不為狀元者非故事也祥符二年梁固廷試第一固翰林李士顯之子景德初以賜進士出

身矣皇祐初沈文通以齋郎對策為第一宰相陳
恭公疑已仕者不當為第一乃降為第二人其後
王昂榜本嘉王楷汪洋榜本秦煒陳誠之榜本黃
中王佐榜本董德元梁克家榜本許克昌蕭國梁
榜本趙汝愚鄒應龍榜本莫子純曾一龍本榜許
奕皆用此例

新進士期集

新及第進士舊以名次高下率錢期集貧者或稱
貸于人裕陵聞之熙寧六年始賜新進士錢三千
緡為期集費自余中始也渡江後賜千七百緡自

萃古齋鈔本

是遂為故事前新進士入謝進謝恩銀百兩熙寧
六年遂亦罷之今新進士期集所號為團司置局
于禮部貢院釋褐日即赴上三人主之其職事有
糾彈牋表主管題名小錄掌儀典客掌器掌膳掌
酒菓監門等多或至百餘人仍具所差名姓申于
禮部御史臺之照會後旬日朝謝又數日拜黃甲
叙同年于禮部貢院其儀三名設褥于堂上東西
相向同年四十已上立于東廊四十已下立于西
廊皆再拜；已擇榜中年長者一人狀元拜之復
擇最少者一人拜狀元又數日赴國子監謁謝先

聖先師鄒國公用釋菜禮三名為三獻榜中有士
望者一人為監禮官以謝賜聞喜宴于禮部貢院
侍從已上及館職皆與知奉官押宴以宴立題名
石刻乃罷局為大凡團司至狀頭授告出國門乃
罷

國朝三元

孫漢公淳化二年奉進士自開封至南省廷試皆
第一前未有也咸平五年王沂公青州南省廷試
皆第一慶曆二年楊審賢皇祐元年馮當世復皆
第一人有國二百餘年為三元者止此四人

萃古齋鈔本

制策入三等

再奉制科

本朝制策入三等者四人吳正肅蘇文忠范子功
孔常甫再奉制科者一人張文定景祐元年茂才
五年賢良方正此亦前未有也

新進士廷射

新進士廷射舊未有淳熙初孝宗嘗諭大臣欲
令文士能射御武臣知詩書者二年詹晉卿榜
上特御射殿引晉卿已下一百三十九人按射翌
日引第五甲及特奏名一百五十一人皆具襴笏
入殿起居易戎服射訖乃退正奏名中的帖上探

者推恩有差特奏名五等人射合格者與文孝其
它例賜束帛凡用絹三千疋云紹熙初苗丞相奏
言射以觀德既不合格而復賜之帛則似無謂此
例可削去亦省費之一端 上從之

廷試賜燭

舊例廷試奉人至暮者許賜燭然殿深易黑日昃
者則殿上燭出矣慶元五年 上初策士江西正
奏名進士黃寔嚴州特奏名進士黃甫鑑納卷最
後廉州特奏名進士劉嘉猷賜燭者至一更四點
御藥院言故事賜燭正奏名降一甲如在五甲降

華古齋鈔本

充本甲末名特奏名降一等如在五甲與揖助教
詔如故事世傳張子韶嘗扣殿陛賜燭納卷最後
上取其策觀之歎其鯁亮擢為榜首其寔不然
殿試詳定官別立等

祖宗舊制殿試初考官既定等乃加封印以送覆
考復定等第如詳定出或從初考或從覆考不許
別自立等嘉祐間王荆公為詳定官始乞不用初
覆兩處等第別自立後遂為之例紹興五年八月
孫叔詣為孝士 上言如此則高下陞黜盡出于
詳定官而初覆考殆為虛設請復舊制如初覆考

皆未當者乃詳奏稟別置等第從之是歲殿試兩
考立等不同詳定所以聞詔編排官定奪趙公時
陳議以為非是請用崇令 隔二等累及五人各
開具合陞降因依以聞詔可然自紹興乾道淳熙
紹熙之際時殿榜上三名多人主親擢云

諒闇罷殿試

咸平以來人主有三年之喪罷殿試以省元為榜
首 真宗朝孫僅 仁宗朝宋郊 英宗朝彭汝
礪 神宗朝許安世 徽宗朝李奎 高宗朝黃
公度 孝宗朝木待問 今上朝莫子絕傳行簡

萃古齋鈔本

是也舊制止除職官惟天聖二年宋元憲獨除京
官通判自紹興八年黃公度復補京官自後遂為
故事

四川類省試榜首恩數隆殺

四川類省試第一恩數視殿試第三人蓋紹興五
年以軍吳道梗十一月戊子有旨川陝類省試第
一人賜進士及第與依行在第三人恩例以餘並
同進士出身其後何道夫耕對蜀人才策為丞相
所怒乃諭礼部令奏云類試高第人多在道迂延
不肯赴御試所望自今第一等人並賜進士出身

奏可

七年八月癸巳

自是無有不赴御試惟上不親

策別類試第一人恩教如舊第一第二人皆附第一甲九名以上附第二甲

宗室鎖試廷官

宗室有官鎖試無官應奉者唱第日皆廷一官濮王子孫則加一等舊解省皆七人而取一人淳熙中詔省試十人乃取一人又有取應宗子榜首得同進士出身餘補承信郎而已宣和六年沈元用榜宗室始不入五等至今以為例焉

武卒

煥文

華古齋鈔本

武卒者仁宗以來有之諸路州軍舊無解額但就兵部取解率以七十人赴省試前期軍頭引見司子內弓箭庫試驗弓馬而別試水附試程文七書義五道兵机策二首上又臨軒親策翌日閱試弓馬為榜首補保義郎與巡檢差遣並注監當渡江後試弓馬于殿前司為每卒登第者率以二十人淳熙後增至四十人自淳熙三年四川類省試始試武士四路共解四十二人省額六人乾道六年正月劉孺文在礼曹嘗請復武卒制科而不果淳熙初上以武卒授官與文士而不類二年

三月乙巳詔武奉第一人補秉義郎堂除請軍計
議官使得預軍中謀議序位在机宜之上它並倣
進士恩數為差令吏部前一年刷關依黃甲注授
七年三月丙辰詔武奉額泛軍者殿試第一名與
御前同正將三名已上同副將五名已上及省試
魁同准備將舊制監察御史已上許保任武奉一
員後增為二會閣門舍人林宗臣請寬保任之法
增其人數是月辛未又詔通直郎武翼大夫已上
皆得奉二人矣四月己酉詔小使臣係武奉出身
者遭家艱並解官持服用吏部侍郎烏程為煒國

萃古齋鈔本

罷請之也十年十月乙亥詔邊縣注武奉出身人
凡武人射二石弓馬射九斗謂之絕倫苟絕倫雖
程文不合格並賜第紹興二十九年趙夢熊武藝
絕倫又省殿試皆第一即今為閣職焉自乾道淳
熙間太季諸生久不第者多去從武奉已乃鎖其
廳應進士第時王卿月清叙首應二科後官至修
注近歲江伯虎君用陳續嗣功連中二科伯虎淳
熙八年武奉第一人十一年進士第四甲遂換承
事郎恩數與狀元等朝廷新之十六年十月因知
歸州林穎秀建言遂罷鎖廳之令江後通判泉州

而率陳今之永康軍

童子卒 三朝推恩人數

童子卒者自 真宗以來有之自高宗一朝童子

求試者三十六人授官者五人 萬項彭興宗張 永

免文解者一人 晏章 免文解者一人 紹興三年 賜帛

罷遣者九人 紹興三月 兄弟童子者三人 饒州江安

松戴滋張高叟高 惟朱虎臣者能排陣步射及誦

七書故補承信郎劉穀以小校子五歲善騎射故

補校尉虎臣浮梁人既召見特賜金帶以寵異之

此亦前所未有自 孝宗一朝童子求試者七十

萃古齋鈔本

四人命官者七人有呂嗣興者衢州人也四歲能

誦書切韻變四声畫八卦 上召見俾面吟詩遂

授右從政郎賜錢三百緡令伴皇孫榮國公讀誦

乾道八年春也又有臨川王克勤尤為驚敏初命

右從事郎廬陵李如圭三山林公洽何擢並右迪

功郎三山何致遠將仕郎廬陵郭 洵直下州文

李也

秘書省讀書

光宗一朝童子求試者十七人無補官者惟從事

郎吳綱時年九歲能誦六經語孟以 壽聖親姪

孫特改承務郎仍依初補法壬子四月也

童子賜出身

晏元獻初以童子召試遂賜出身令秘閣讀書久之即為正字乾道末上踵故事以臨川王克勤敏叔為秘書省讀書制祿視正字之半矣淳熙初上幸秘閣館職皆近官選人改京秩有司言之克勤于上詔以為文林郎久之臺官有言其過者遂除初等職官後復以鎖廳中第為太李博士自來未有繼也

特奏名試

萃古齋鈔本

特奏名者自仁宗朝始其後浸寬凡監生二

卒皆免解

一請一免同

卒人八卒年四十五卒年五十

已上皆赴殿試取其半授官年六十已上試入四等者與嶽廟建炎二年高宗登極特詔入五等者並調官至今以為例故事恩試第一人賜進士出身除諸州教授第二人同出身渡江後川陝特奏名就試于制置司三十年又降敕差監試考試官近歲朝廷以其冗濫患之乃詔三人而取一人由是恩收負少減矣

太李養士教

太李養士最盛于崇觀間紹興中詔以七百人為額上舍生三十員內舍生一百外舍生五百七十員每三年科場率四人而取一若即行校藝而升上舍者則不待選舉而徑釋褐焉王暎知臨安府括民間冒占白地錢歲入十二萬緡有奇為太李養士之費十六年詔外舍生以千人為額其後三舍生率八百餘人云舊兩季覃恩無免解法孝宗即位始創行之自是每有覃慶輒復奉行省額動增數十人遂為定例矣

國子監試法

萃古齋鈔本

國子監生員皆胄子也舊制行在職事官同姓總麻親釐務官大功親聽補試入季每三年科場者率三人而取一若二補中則七十人而取一焉然太李生皆得以公私試積之校定分數升舍惟國子生以父兄嫌但寄理已須父兄外補乃移入太李而後得升慶元二年三月傅景仁在翰苑建言國子生員多偽濫請自今職事官期親釐務官子孫乃得試補後之凡監李生皆給綾牒若謁告在外遇科幸試于漕司舊公私試皆李官主之自淳熙後公試乃鎖院降勅差官李官蓋不得預

武李

武李自 祖宗以來京師有之乾道七年七月庚寅詔李諫赴解試人以五十人為額然郡國未之建也慶元五年六月乙亥言者請即諸州李置武士齋舍選官者按其武藝且籍在官荒田以備餼廩從之然後亦不克行

釋褐狀元恩例

舊制太李上舍生積校以優之而舍試又入優等者就化原堂釋褐號釋褐狀元例補承事郎大李正錄淳熙初鄭鑑自明由此選不四年而為著作

萃古齋鈔本

郎補郡自明數言事者 上甚喜久而稍厭之六年劉純叟堯夫復以解褐除國子正時王仲行為兵部尚書奏言今兩優釋褐初除京秩即授李官視狀元制科恩教過之事理不當乞先與外任時知滁州張商鄉亦言今中上舍為李官不數年便可作監司郡守獄訟財賦非素習豈能保其不繆乞先注職官 上然之十月丙申紹興殿試第二人恩例矣

太李補試

太李補弟子自故例每三年科齊後朝廷差官鎖

院凡四方奉人皆得就試取合格者補入之謂之混補淳熙後朝議以就試多欲為之限制乃立待補之法諸路漕司及州軍等皆以解試終場人數為準每百人而六取許赴補試率開院後日十揭榜然遠方士人多不能則為它人取其公據代之冒濫滋甚慶元中遂罷之嘉泰二年復行混補就試者至三萬七千餘人分為六場十八日引試云

蜀季

郡國之季最盛于成都季官二人皆朝廷遴選弟子負至四百人它季者亦數百人然亦未有校試

萃古齋鈔本

選貢之法淳熙中故長文為蜀帥嘗議倣太學別立解額會有沮之者不果行慶元三年春士人王正則等訴于朝請以漕司解額移于成都府學事下制置司後亦寢今蜀士年少者多聚于成都若精擇帥儒稍立月書季考之令又量取諸路漕司之餘額以予之俾有所歆慕而成就其才庶乎其有之益也

宗學

宗學東都盛時有之自紹興十四年春惠國公士穉同知太宗正事始請建學于臨安學生以百員

為額太學生五十人小學生四十人職事者各五人置諸王宮大小學教授一員在學者皆南宮北宅子孫也若親賢宅近屬別置教授以館職兼不在宗學之列

釋奠宗子侍祠

郡國釋奠先聖宗子侍祠舊制無之自紹興十五年始州縣文臣詣學謁先聖乃許視事舊制亦無之自紹興十四年始諸王宮教授陳孝恭知永州羅長源建此二議朝廷行之

文宣王鎮圭

萃古齋鈔本

紹興十四年國季初建內出鎮圭以奉文宣王慶元三年上將行大禮而內府無圭乃下國子監備文宣王王圭用之

鄉飲酒

鄉飲酒者紹興十三年四月林待制保為禮部郎中請命太常草具其禮下郡邑行之又詔非常與鄉飲酒者毋得應奉其儀凡有肅賓祭酒主獻賓酬主人酬介；酬衆賓修爵無筭沃洗揚觶拜送凡十二節又有約束凡事主人以守令其酒食器用鄉大夫士之有力者其為行之凡十餘年士人

不以爲便二十六年四月始用新通判撫州陳洙
之請雖不遇鄉飲酒者許應奉又詔鄉飲酒聽人
自爲公家毋得預之自是不復講焉

建炎以來朝野雜記甲集卷之十三終

萃古齋鈔本

